



**Via Trium Dierum In Solitudinem Ad Sacrificandum  
Domino Exod. 8. Seu Triduana Ven. Cleri Solitudo Et  
Animi Collectio Deo Sacra Duce S. P. Ignatio Loyola,  
Societatis Jesu Fundatore**

**Zech, Michael**

**Ingolstadii ; Monachii ; Aug. Vindel., 1762**

Avaritiam & Lusum immoderatum.

---

[urn:nbn:de:hbz:466:1-60697](#)

Scopuli Innocentie Sacerdotalis. 195

peritissimum. Sic in animæ morbis non quære solummodo Confessarium, sed prudenter & peritum animæ Directorem: & salva erit res, & anima tua.

§. III.

Tertius Clericorum scopulus,  
Avaritia.

Moderatum res temporales & congruam sustentationem obtinendi studium nemo improbat, omnes immoderatum, seu Avaritiam, quæ sit dupliciter.

I. Res alienas injuste sibi vendicando e. g. injustis contractibus, palliatis usurris, exactionibus avaris &c. \*

II. Sua nimis tenaciter tuendo per inconsultas lites, augendo per sordida mercimonia, per immisericordiam &c.

Utinam verum non sit nostris temporibus, quod de suis scripsit Petrus Blesensis: \*\* Hodie in promotione quorundam (ad Parochias &c.) prima questio est, quæ sit Summa reddituum: non quæ sit conversatio subiectorum. Verumtamen Deus non irridetur. Ad honorem te vocavit propter onera, non ad multiplicandum numerum familiæ, aut equorum, non ad dandas paren-

N 3 tibus

---

\* V. S. Thom. 2. 2. q. 118. a. 3.    \*\* Ep. 15.

196 Scopuli Innocentiae Sacerdotalis.  
tibus dignitates, sed ad dandam scientiam  
salutis plebi ejus.

Ea de causa Christus ad Petrum &  
Successores animarum Pastores: \* Pasce  
agnos meos: pasce oves meas. Nota, ait  
Glossa; oves meas pasce ut meas, non ut  
tuas: gloriam meam in eis quere, non tuam:  
mea lucra, non tua.

Si dicas, non tibi, sed consanguineis  
lucra tua parari. Ex, S. Hieronymus:  
*Cave eos diligere contra Christum, quos te-*  
*neris odio habere pro Christo, Grandis in*  
*suos pietas, impietas in Deum est.* Hinc  
provide monet Conc. Trid. si cognati  
vere & æque sint pauperes non ut cognati,  
sed ut pauperibus distribuendas esse  
eleemosynas &c. \*\*

Sed plusquam satis de Avaritia, cui fors  
pauci Clericorum sunt obnoxii, forsitan  
plures ab Avaritia ad aliud extremum de-  
clinant, scil. ad Prodigalitatem in lusu im-  
modico, aut nimis pretioso.

Non impugno autem, Timothee, lu-  
sum moderatum, honestum, rarum, & non  
nimis pretiosum, maxime si certis defi-  
nitum limitibus & horis fiat hospites ex-  
hilarandi, tempus fallendi, animum re-  
laxandi gratia: sed solum impugno, qui  
im-

---

\* Joan. 21. \*\* Seff. 25. de Reform. c. I.

Scopuli Innocentie Sacerdotalis. 197

immodice , nimis frequenter , nimis caro ludunt , & estimant lusum esse vitam nostram , & conversationem vite compositam ad lucrum , & oportere undecunque etiam ex malo acquirere . \*

Quanquam , si veritatem licet fateri , non acquirit immoderatus lusor , sed perdit : perdit frequenter sua : perdit non raro se : perdit semper tempus , vere ait Novarinus .

I. Perdit semper tempus , quo animam suam salvare , meritum augere , Cælum emere , Deum lucrari poterat , & debebat : tempus , cuius momenta singula infinito sanguinis pretio constabant Deo Homini : tempus , Ecclesiasticis debitum officiis : tempus , Dei & Sanctorum honoribus consecratum diebus festis &c.

Deo horulam in dicendo Breviario , semihorulam in legendō Sacro ægre concedunt : pridie horas sex , diem & noctem dimidiā lusibus impenderunt . Heu ! quantum gement in morte , audituri : Tempus non erit amplius . \*\*

II. Perdit frequenter sua . Ringitur præ ira , & furit domi , si famulus , aut famula 3. crucigeros inutiliter impedit : uno lusu 3. aut 6. florenos perdit : & non irascatur sibi ?

N 4

Dein-

\* Sap. 15. \*\* Apoc. 10.

Deinde quantum eleemosynæ infelix  
hujusmodi Lusor dat pauperibus? Vah  
probrum Christiani, nedum Sacerdotis,  
uno die plus Pamphilio aut Bagatto dare  
in chartarum foliis, quam intra mensem  
*Christo* in pauperibus! An non autem  
hoc solum damnat *immodicos*, lusus, de  
patrimonio Christi plus satisfacere char-  
tis, quam Christi membris?

Quid si insuper *contra justitiam* noceret  
famulis, opificibus, operariis, credi-  
toribus aut diu, aut omnino non solven-  
do, cum lucro eorum cessante, aut cum  
damno eorum emergente?

III. Perdit non raro se ipsum: & quidem  
1. perdit suam *authoritatem*, famam &  
*existimationem* apud Superiores, apud  
æquales ac inferiores, maxime apud Pa-  
rochianos. 2. Perdit intellectum & ra-  
tionem, volens serio, & intendens cum  
singulis collusoribus lucrum, cum tamen  
absolute implicet, ut lucentur singuli.  
Velle aliquid impossibile, utique aperta  
fatuitas est. 3. Perdit *spiritum* & amo-  
rem ad studia, ad lectionem & medita-  
tionem rerum spiritualium, componen-  
dis concionibus aut catechesibus adeo  
necessariam: sic tandem successive 4.  
Perdit se ipsum, animam, Deum, salu-  
tem, dum non Deo, suæ, aut suorum  
salutis,

saluti, sed lucro & lusui continuo intentus, perdit sensa pictatis & omnem virtutum scintillam ex bona educatione aut scholis haustram, & tandem seipsum ac Deum perdit: fere ut Israelitae surrexerunt ludere, \* & pro Deo suo vitulum aureum adoraverunt.

Sed hæc, ut dixi, de *lusu immoderato*, non de honesta recreatione.

N.B. Idem dictum esto de *immoderato Ecclesiasticorum luxu* in conviviis, compotationibus, alendis famulis, canibus, equis &c.



## DIES TERTIA.

## MEDITATIO II.

De Amore Dei.  
PRÆPARATIO.



Mor Dei finis Recollectionis nostræ, imo finis totius Creationis, Redemptionis, Sanctificationis, & omnium Dei Operum.

N 5

\* Exod. 22.